



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-184-4/26**

Datum: **23.06.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica Javno preduzeće «KOMUNALNO» d.o.o. Breza, za donošenje rješenja o vodnoj dozvoli za zahvatanje vode sa izvorišta «Milkino vrelo» za potrebe snabdijevanja pitkom vodom potrošača na području općine Breza na osnovu člana 109. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu, Javno preduzeće «KOMUNALNO» d.o.o. Breza daje se vodna dozvola za zahvatanje vode sa izvorišta «Milkino vrelo» minimalnog kapaciteta 20 l/s za potrebe snabdijevanja pitkom vodom potrošača na području općine Breza.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji vodozahvatnog objekta i uz sljedeće uslove:
 - 2.1. Da korisnik predmetnog vodozahvatnog objekta isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 2.2. Da se obezbijedi stalni i sistematski pregled vode od strane ovlaštene laboratorije, te poduzmu sve potrebne mjere za osiguranje zdravstveno ispravne vode za piće. Kontrolu ispitivanja kvaliteta vode za potrebe snabdijevanja vodom za piće stanovništva mogu vršiti samo ovlaštene laboratorije u skladu sa članom 48. stav (3) Zakona o vodama («Službene novine Federacije BiH», broj 70/06).
 - 2.3. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće propisane Pravilnikom o zdravstvenoj ispravnosti vode za piće («Službeni glasnik BiH», broj 40/10, 43/10, 30/12 i 62/17), vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.4. Da se obezbijedi tehnička ispravnost ugrađenog mjernog uređaja za evidentiranje količina zahvaćene vode odnosno da se redovno vrši baždarenje mjerača protoka u skladu sa propisima o mjernim uređajima.
 - 2.5. Da se u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode. Evidenciju o mjerenju zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanju podataka o količinama zahvaćene vode («Službene novine Federacije BiH», broj 83/08).
 - 2.6. Da korisnik vodozahvatnog objekta brine o čuvanju objekta i uređaja na njemu od slučajnog ili namjernog oštećenja ili uništenja.
 - 2.7. Da se uredno vodi dnevnik rada u koji će se unositi podaci o postupku hlorinacije i potrošnji svih hemikalija.
 - 2.8. Da se vrši stalna dezinfekcija vode hlorisanjem kao i kontrola rezidualnog hlora u vodovodnoj mreži a u skladu sa Pravilnikom o zdravstvenoj ispravnosti vode za piće.
 - 2.9. Da se skladištenje hemikalija potrebnih u procesu dezinfekcije vode za piće vrši na propisan način.
 - 2.10. Da se u toku važenja ove vodne dozvole kod nadležnih organa okončaju aktivnosti u cilju donošenja Odluke o zaštiti izvorišta «Milkino vrelo» u skladu sa važećim Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva («Službene novine Federacije BiH», broj 88/12).
 - 2.11. U cilju najstrožije kontrole prostora na kome je smješten vodozahvatni objekat potrebno je isti na odgovarajući način obilježiti upozorenjem o zabrani neovlaštenog pristupa. Ogradu i ograđeni prostor oko vodozahvata potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm i druge mjere zaštite, ukoliko se to ocijeni potrebnim.

- 2.12. Vlasnik odnosno korisnik vodozahvatnog objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje voda i nisu u suprotnosti sa uslovima iz ove vodne dozvole.
3. Korisnik predmetnog vodozahvatnog objekta je obavezan voditi propisne evidencije, te nadležnim organima dostavljati propisane obrasce u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za korištenje vode i ispuštanje otpadnih voda.
 4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 5. Ukoliko prilikom upotrebe predmetnih vodozahvatnih objekata za koje se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekata je dužan uzroke štete otkloniti, a nastale štete nadoknaditi.
 6. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 7. U ovoj upravnoj stvari plaćene su sve upravne takse.
 8. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 3 (tri) godine od dana pravosnažnosti ovog Rješenja.
 9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
 10. Ovo Rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Javno preduzeće «KOMUNALNO» d.o.o. Breza podnijelo je Agenciji dana 04.05.2026. godine zahtjev za izdavanje vodne dozvole za zahvatanje vode sa izvorišta «Milkino vrelo» minimalnog kapaciteta 20 l/s za potrebe snabdijevanja pitkom vodom potrošača na području općine Breza.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-25-003814 izdatog dana 02.12.2025. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 18.04.2014. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-17-1-UPJR/1-1620-2/14 izdatog dana 11.03.2014. godine od strane Uprave za indirektno-neizravno oporezivanje Banja Luka,
- Kopija Rješenja o vodnoj dozvoli broj: UP-1/21-3-40-092-5/23 izdatog dana 26.05.2023. godine od strane «Agencije za vodno područje rijeke Save» Sarajevo,
- Kopija Pravilnika o održavanju, korištenju i osmatranju objekata komunalnog vodovodnog sistema Breza (broj:1621-31-05-13-2/18 od 31.05.2018. godine),
- Kopija Odluke broj: 01/1-02-946/02 o prenosu prava korištenja i upravljanja vodoprivrednim objektima sa Općine Breza na JKP «Breza» iz Breze donesene dana 23.05.2002. godine od strane Općinskog vijeća Breza,
- Kopija Odluke broj: 01/1-02-574/19 o odvodnji i prečišćavanju otpadnih voda na području općine Breza donesene od strane Općinskog vijeća Breza na sjednici održanoj dana 27.03.2019. godine,
- Kopija Odluke broj: 01/1-02-912/10 o regulisanju odnosa davaoca i korisnika komunalne usluge snabdijevanja pitkom vodom donesene od strane Općinskog vijeća Breza na sjednici održanoj dana 29.04.2010. godine,
- Kopije dopisa broj: 02/1-1-21-3281-1/22 od 14.07.2022. godine i broj: 02/1-1-21-3281-2/22 od 27.04.2026. godine upućenih od strane Službe za privredu Općine Breza prema JP «KOMUNALNO» d.o.o. Breza vezano za status usvajanja Odluke o zaštitnim zonama i zaštitnim mjerama izvorišta «Milkino vrelo» (sa priložima),

- Kopija dopisa broj: 02/1-1-21-3281/21 upućenog dana 21.12.2021. godine Ministarstvu za poljoprivredu, šumarstvo i vodoprivredu Zeničko-dobojskog kantona (dostavljen nacrt Odluke sa Izvještajima o provedenim javnim raspravama i ostalim aktima - na nadležno postupanje),
- Kopije izvještaja o ispitivanju vode za piće broj: 14.03.01-111109/26 urađenog 26.03.2026. godine od strane «Instituta za zdravlje i sigurnost hrane» Zenica,
- Elaborat zaštite izvorišta «Milkino vrelo» općina Breza urađen od strane «Instituta za hidrotehniku» d.d. Sarajevo, maj 2021. godina (na uvid),
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog izvorišta i tom prilikom je sačinjen zapisnik o izvršenom uviđaju broj: UP-1/21-3-40-184-3/26 od 04.06.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za potrebe vodosnabdijevanja stanovnika užeg urbanog područja i dijela industrijske zone na području općine Breza zahvata se voda sa izvorišta podzemnih voda «Milkino vrelo» lociranog cca 3,5 km sjeveroistočno od centra grada na parceli označenoj kao k.č. broj: 898 K.O. Vardište, općina Breza. Izvorište izdaju na koti 535 m n.m., a pojavljuje se u desnom zaobalju rijeke Stavnje ispod vrha Križ (840 m n.m.). U neposrednoj blizini izvorišta, uz sami kaptažni objekat, prolazi regionalna cesta R444 Breza - Vareš kojom se odvija saobraćaj motornih vozila.

Izvorište je kaptirano 1962. godine vertikalnom kaptažom sa preljevnim pragom iznad maksimalnog vodostaja rijeke Stavnje. Tokom 1996. godine izvedena su i 2 eksploatacijska bunara na užem području izvorišta (B-1 dubine 103 m i B-2 dubine 75 m). Bunari su opremljeni dubinskim pumpama maksimalnog kapaciteta 30,0 l/s. Kapacitet izvorišta kreće se od 20 - 80 l/s.

Zahvaćena voda na izvorištu «Milkino vrelo» se gravitaciono transportuje do filterskog postrojenja za tretman vode smještenog na lokaciji «Medića pumpa» (isto se koristi samo povremeno u vrijeme pojave mutnoće na izvorištu). Postrojenje se sastoji od rezervoara sirove vode, vertikalnih taložnika, automatskih filtera i rezervoara čiste vode gdje se vrši doziranje gasnog hlora putem mjerno regulacijske opreme. Hlorisana voda se putem opreme u pumpnoj stanici «Medića pumpa» potisnim cjevovodom transportuje do rezervoara «Križ» na koti 559 m n.m. a zatim gravitaciono do rezervoara «Ahmedovica» gdje se vrši dalja distribucija prema potrošačima.

Mjerenje količine zahvaćene vode vrši se putem mjerača protoka na PS «Medića pumpa». Redovno se rade mikrobiološka i fizičko-hemijska analiza vode sa izvorišta «Milkino vrelo» od strane Instituta za zdravlje i sigurnost hrane Zenica.

U cilju najstrožije kontrole, uža zona oko izvorišta «Milkino vrelo» je na odgovarajući način ograđena i označena kako bi se spriječio pristup neovlašćenih osoba. Pored ograde, ovaj prostor obezbijeđen je i drugim mjerama fizičke zaštite i osiguranja.

Podnosilac zahtjeva nije ispunio uslov iz tačke 2.9. prethodno izdatog Rješenja o vodnoj dozvoli (broj: UP-1/21-3-40-092-5/23 od 26.05.2023. godine) kojim je traženo da se donese Odluka o zaštiti izvorišta «Milkino vrelo» u skladu sa odredbama Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje («Službene novine Federacije BiH», broj 88/12).

U skladu sa članom 68. stav (3) Zakona o vodama («Službene novine Federacije BiH», broj 70/06) i članom 40. stav (3) Zakona o vodama Zeničko-dobojskog kantona («Službene novine ZDK», broj 17/07), Odluku o zaštiti predmetnog izvorišta donosi Vlada Kantona, obzirom da se zone sanitarne zaštite prostiru na području dvije općine u sastavu Zeničko-dobojskog kantona (Breza i Vareš).

Uvidom u dopise broj: 02/1-1-21-3281-1/22 od 14.07.2022. godine i broj: 02/1-1-21-3281-2/22 od 27.04.2026. godine dostavljene Javnom preduzeću «KOMUNALNO» d.o.o. Breza od strane Službe za privredu Općine Breza, konstatovano je da je u toku postupak usvajanja Odluke o zonama sanitarne zaštite i zaštitnim mjerama za izvorište «Milkino vrelo», općina Breza u skladu sa odredbama Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje.

Elaborat o zaštitnim zonama izvorišta «Milkino vrelo» urađen od strane «Instituta za hidrotehniku» d.d. Sarajevo, maj 2021. godine zajedno sa prijedlogom Odluke o zaštitnim zonama izvorišta «Milkino vrelo», Izvještajima o provedenim javnim raspravama u Općini Vareš i Općini Breza proslijeđeni su nadležnom Ministarstvu za poljoprivredu, šumarstvo i vodoprivredu Zeničko-dobojskog kantona na dalje postupanje (dopis broj: 02/1-1-21-3281/21 od 21.12.2021. godine).

Na osnovu utvrđenog činjeničnog stanja i dostavljene dokumentacije, a u svrhu ostvarivanja prava na vodu drugim korisnicima kao i održivog korištenja voda, podnosiocu zahtjeva, Javno preduzeće «KOMUNALNO» d.o.o. Breza, su ovom vodnom dozvolom u tački 2. dispozitiva rješenja, propisani uslovi kojih se dužan pridržavati prilikom korištenja predmetnog vodozahvatnog objekta u skladu sa članom 48., 64., 66., 116. i 128. Zakona o vodama («Službene novine Federacije BiH», broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22).

Tačka 3. dispozitiva ovog Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, Javno preduzeće «KOMUNALNO» d.o.o. Breza, ispunio minimum uslova za izdavanje vodne dozvole za zahvatanje vode sa izvorišta «Milkino vrelo» za potrebe snabdijevanja pitkom vodom potrošača na području općine Breza, te je riješeno kao u dispozitivu ovog Rješenja.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-184-2/26 od 03.06.2026. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- JP «KOMUNALNO» d.o.o. Breza
ul. ZAVNOBiH-a br 6, 71370 Breza
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava